

25.04.2026 No 2934-24

«ՕԼ ՔՎՈԼԻԹԻ» ՍՊԸ-ԻՆ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

Առողջապահության նախարարության կողմից 08.04.26թ. հրապարակվել է «ՀՀ ԱՆ ԷԱԾԱՊՁԲ-2026/40» ծածկագրով գնման ընթացակարգի հրավեր էլեկտրոնային աճուրդ համակարգում: Հայտերի ներկայացման վերջնաժամկետ է սահմանվել 2026 թվականի ապրիլի 21-ին, ժամը 11:00-ին, իսկ հակադարձ աճուրդի մեկնարկը՝ 2026 թվականի ապրիլի 22-ին ժամը 11:00-ին: 2026 թվականի ապրիլի 23-ին ժամը 11:30-ին գնահատող հանձնաժողովը հրավիրել է նիստ՝ մասնակիցների կողմից ներկայացված հայտերը բացելու և առաջին տեղը զբաղեցրած մասնակիցների հայտերը գնահատելու նպատակով: Հայտ են ներկայացրել թվով 11 կազմակերպություններ, որոնցից 5-ը առաջին տեղ զբաղեցնողներ՝ այդ թվում «Օլ Քվոլիթի» ՍՊԸ-ն (այսուհետ՝ Կազմակերպություն): Առաջին տեղը զբաղեցրած մասնակից «Սմայլ Գրուպ» ՍՊԸ-ի կողմից ներկայացված հայտում բացակայում են հրավերով սահմանված պահանջներով Հավելված 1-ը՝ Դիմում-հայտարարությունը և ՀՀ ռեզիդենտ մասնակցի կողմից ներկայացվող իրական շահառուների վերաբերյալ հայտարարագիրը՝ համաձայն հավելված՝ 1.3-ը՝ իրական շահառուների վերաբերյալ տեղեկություններ պարունակող կայքէջի հղումով, ինչպես նաև «Օլ Քվոլիթի» ՍՊԸ-ի կողմից ներկայացված հայտում բացակայում է ՀՀ ռեզիդենտ մասնակցի կողմից ներկայացվող իրական շահառուների վերաբերյալ հայտարարագիրը՝ համաձայն հավելված՝ 1.3-ը՝ իրական շահառուների վերաբերյալ տեղեկություններ պարունակող կայքէջի հղումով: Մնացած բոլոր առաջին տեղը զբաղեցրած մասնակիցների կողմից ներկայացված ծրարներում առկա են հրավերով պահանջվող փաստաթղթերը:

Վերոգրյալ անճշտությունները, ինչպես նաև մնացած բոլոր առաջին տեղը զբաղեցրած մասնակիցների կողմից ներկայացված հայտերը կազմված են եղել

հրավերի պահանջներին անհամապատասխան և ենթակա են եղել շտկման: Հիմք ընդունելով ՀՀ Կառավարության 04.05.2017թ. թիվ 526-Ն որոշմամբ հաստատված կարգի 41-րդ և վերոնշյալ գնման ընթացակարգի հրավերի 1-ին մասի 8.11 կետերի պահանջները գնահատող հանձնաժողովը որոշել է մեկ աշխատանքային օրով կասեցնել հայտերի գնահատումը և հնարավորություն տալ շտկել մասնակիցներին առձանագրված անհամապատասխանությունները և գնահատող հանձնաժողովի քարտուղարը էլեկտրոնային աճուրդ համակարգի միջոցով 23.04.2026թ. ծանուցել է մասնակիցներին շտկման մասին: Ստորև ներկայացվում է գնահատող հանձնաժողովի կողմից կազմված՝ Կազմակերպությանը ներկայացված շտկման ծանուցումը.

«Օլ Քվոլիթի» ՍՊԸ

Հարգելի մասնակից:

«ՀՀ ԱՆ ԷԱԾԱՊՁԲ-2026/40» ծածկագրով գնման ընթացակարգի գնահատող հանձնաժողովը ուսումնասիրելով Ձեր կողմից ներկայացված մասնակցության հայտը, արձանագրել է մի քանի անհամապատասխանություններ, որոնք ենթակա են շտկման: Հիմք ընդունելով ՀՀ կառավարության 04.05.2017թ. թիվ 526-Ն որոշմամբ հաստատված կարգի 41-րդ կետի պահանջները խնդրում ենք մեկ աշխատանքային օրվա ընթացքում շտկել Ձեր կողմից ներկայացված հայտը՝ մասնավորապես հրավերի պահանջով ներկայացված չի Հավելված՝ 1.3-ի՝ իրական շահառուների վերաբերյալ հայտարարագիր, վերջիններիս մասին տեղեկություն պարունակող կայքէջով՝ անհրաժեշտ է ներկայացնել նշված հավելվածները հրավերի պահանջներին համապատասխան: Անհրաժեշտ է շտկել նաև Ձեր կողմից առաջարկվող ապրանքների ամբողջական նկարագրերը (տեխնիկական բնութագրերը) մասնավորապես՝ 4-րդ, 8-րդ և 9-րդ չափաբաժինների համար նշել հստակ ֆիրմային անվանումները, ապրանքային նշանները, մակնիշները և արտադրողի անվանումները՝ ուղեկցող փաստաթղթերին համապատասխան, առանց թարգմանության, ինչպես նաև նշված չափաբաժինների համար ներկայացնել տեխնիկական բնութագրերի հստակ չափանիշները, բացառելով «կամ», «համարժեք», «ոչ ավել», «ոչ պակաս», «պետք է» և նմանատիպ այլ երկակի մեկնաբանվող արտահայտությունները: Նշված չափաբաժինների համար նշել հստակ երաշխիքային ժամկետները, ինչպես նաև որակի վկայականները՝ հրավերի պահանջներին համապատասխան, բացառելով «կամ», «համարժեք» և նմանատիպ

այլ երկակի մեկնաբանվող արտահայտությունները, ինչպես նաև հստակեցնել նոր, չօգտագործված լինելու հանգամանքը՝ բացատելով «պետք է» լինի արտահայտությունը, այլ հստակ նշվի: Շտկված տարբերակները ներբեռնել էլեկտրոնային աճուրդ համակարգ:»:

Սահմանված ժամկետի ավարտին՝ 28.04.2026թ. էլեկտրոնային աճուրդ համակարգում հասանելի են եղել մասնակցի կողմից ներկայացված պահանջված շտկումները: Գնահատող հանձնաժողովը գնահատելով Կազմակերպության կողմից ներկայացված շտկված փաստաթղթերը արձանագրել է, որ վերջինս պահանջվող շտկումները կատարել է մասնակի, ոչ լիարժեք, մասնավորապես «Օլ Բվոլիթի» ՍՊԸ-ի շտկված փաստաթղթերը գնահատելիս գնահատող հանձնաժողովը արձանագրել է, որ վերջինս պահանջվող շտկումները կատարել է մասնակի, ոչ լիարժեք, մասնավորապես շտկվել և ստորագրված ներկայացվել է Հավելված 1-ը՝ դիմում-հայտարարությունը, ներկայացվել է շտկված Հավելված 1.3-ը՝ իրական շահառուների վերաբերյալ տեղեկատվությունը, շտկվել է 8-րդ և 9-րդ չափաբաժինների տեխնիկական բնութագրերը և վերջիններս համապատասխանում են հրավերի պահանջներին: Սակայն 4-րդ չափաբաժնի ապրանքի ամբողջական նկարագիրը (տեխնիկական բնութագիրը) շտկված է, բայց ներկայացվող ապրանքը չի համապատասխանում հրավերի պահանջներին, այն դեպքում, երբ գնահատող հանձնաժողովի կողմից պահանջվել էր շտկել և հստակ ներկայացնել ապրանքների տեխնիկական չափանիշները, սակայն նշված չափաբաժնի մասով առաջարկվող ապրանքի տեխնիկական բնութագրում կատարված շտկումները կատարված են, սակայն չեն համապատասխանում հրավերի պահանջներին: Ուստի «Օլ Բվոլիթի» ՍՊԸ-ի հայտը ենթակա է մերժման 4-րդ չափաբաժնի մասով և հիմք ընդունելով 04.05.2017թ. ՀՀ կառավարության թիվ 526-Ն որոշմամբ հաստատված կարգի 33-րդ կետի 19-րդ մասը՝ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը, ներառյալ այն դեպքերը, երբ սահմանված ժամկետում չի շտկում կամ ամբողջական չի շտկում հայտի գնահատման արդյունքում արձանագրված անհամապատասխանությունները կամ ընտրված մասնակիցը չի ներկայացնում որակավորման կամ պայմանագրի ապահովումը կամ համաձայնագիրը կնքելու նպատակով պայմանագիրը կնքած անձը չի փոխարինում տուժանքի ձևով ներկայացված որակավորման կամ պայմանագրի ապահովումը, ապա այդ հանգամանքը համարվում է որպես գնման

գործընթացի շրջանակում ստանձնված պարտավորության խախտում, «Օլ Բվոլիթի» ՍՊԸ-ի կատարված մասնակի շտկումը համարել գնման գործընթացի շրջանակում ստանձնված պարտավորության խախտում:

Ելնելով վերոգրյալից և հիմք ընդունելով ՀՀ Կառավարության 04.05.2017թ. թիվ 526-Ն որոշմամբ հաստատված կարգի 42-րդ և վերոգրյալ գնման ընթացակարգի հրավերի 1-ին մասի 8.11 և 8.15 կետերի պահանջները գնահատող հանձնաժողովը կայացրել է որոշում՝ Կազմակերպության հայտը գնահատել անբավարար՝ 4-րդ չափաբաժնի մասով:

«Գնումների մասին» ՀՀ օրենքի 6-րդ հոդվածի 1-ին կետի 6-րդ ենթակետի «ա» պարբերության համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի (համաձայն ՀՀ Կառավարության 04.05.2017թ. թիվ 526-Ն որոշմամբ հաստատված կարգի 32-րդ կետի 9-րդ ենթակետի՝ եթե գնման հայտով տվյալ ընթացակարգի շրջանակում գնվելիք ապրանքի, աշխատանքի կամ ծառայության գինը (պլանավորված (կանխատեսվող) գնման ընդհանուր գինը) չի գերազանցում գնումների բազային միավորի քսանհինգապատիկը, ապա հայտի ապահովում չի ներկայացվում, որից ելնելով վերոգրյալ գնման ընթացակարգի հրավերով սահմանված չի եղել հայտի ապահովման ներկայացման պահանջ, որովհետև չափաբաժինների գնման գները չեն գերազանցել 25 միլիոն դրամը), պայմանագրի և (կամ) որակավորման ապահովման գումարները: Բացի այդ, «Գնումների մասին» ՀՀ օրենքի 6-րդ հոդվածի 2-րդ կետի համաձայն, լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիր միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում:

Որոշումը կայացվելուն հաջորդող օրը այն տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Հ Ր Ա Մ Ա Յ ՈՒ Մ Ե Մ

Ղեկավարվելով «Գնումների մասին» օրենքի 6-րդ հոդվածի 1-ին մասի 6-րդ կետի «ա» ենթակետի և նույն հոդվածի 2-րդ մասի պահանջներով՝ և հիմք ընդունելով ներքոնշյալ աղյուսակում նշված հանգամանք(ներ)ի առկայությունը՝ հրամայում եմ ստորև բերված աղյուսակում նշված մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

Գնման ընթացակարգի			Մասնակցի				Պատվիրատուի անվանումը	Իրավական հիմք	Այլ անհրաժեշտ տեղեկատվություն՝
Ծածկագիրը	չափաբաժնի		Անվանումը	ՀՎՀՀ	գործունեության հասցեն	գնումների գործընթացին մասնակցելու պայմաններին չբավարարելու հանգամանքների առաջացման ամսաթիվը			
	համարը	անվանումը	գնման գինը						

1	2	3	4	5	6	7	8	9	10	11
ՀՀ ԱՆ ԷԱՀԱ ՊՁԲ-2026/4 0	4	հիվանդների վիճակի հսկողության համակարգ	1,500,000	«Օլ Բվոյիթ ի» ՍՊԸ	01310728	Օհանով 622, 32բն.	15.05.2026թ.	Առողջապահության նախարարություն	1-ին սյունակում նշված ընթացակարգի հրավերի 1-ին մասի 8.15 կետ (հրավերով սահմանված ժամկետում մասնակի է շտկել հայտի գնահատման արդյունքում արձանագրված անհամապատասխանությունները, որի արդյունքում հայտը գնահատվել է անբավարար)	Անկախ

5/25/2026



Վ. ԳՐԻԳՐՈՅԱՆ